



HEYVA SOR A KURDISTANÊ

Alîkarî, piştgirî û bi hev re parvekirin rûmeta mirovatîyê ye. Hejmar:11 Sal: 2021

*Lî deverekê eger rîhê hevkarîyê
tînebe, avakîrîna cîvakî kêm
dîmîne. Hun bî alîkarîyên xwe
dîkarîna cîvakê lî ser pîyan bîgrîn.*



PENABERÊN LI SER SÎNORÊ BELARÛS Û POLONYAYÊ



Heyva Sor a Kurdistanê e. V.

Wilhelmstr. 12 D-53840 Troisdorf

Tlf: 02241 / 97 52 583

Tlf: 02241 / 97 52 585

Fax: 02241 / 97 52 584

E-Mail: heyvasor@web.de



Kreissparkasse Köln

IBAN: DE 49 370 502 99 000 40 10 481

BIC / SWIFT: COKSDE 33XXX

www.heyvasor.com



Li Kurdistan û Rojhilata Navîn, ji ber êrişan, şerê navxweyî, felaketên xwezayî, xizanî û nexweşiyên, bi milyonan mirov ji bo li ser pîya bimînin, liberxwe didin. Li Kurdistanê civaka ku ji aliyê hêzên serdest bi xizanî, bê karî û birçibûnê re rû bi rû hatiye hiştin, rewş hê jî xerab e. Li gel êriş û zextên serdestan, vîrûs koronayê jî rê li ber encamên kambax vekir. Ji ber vê yekê, pêwîstiya alîkariya bi mirovên muhtac re ji her demê zêdetir bû.

Ji ber van sedeman beşek mezin mirov koçber bûne, hê jî nebûne xwedî cihe û warên ku karibin xwe parîyek nan lê bixwin. Gelek ji wan bi hêviya ku bibin xweyî jiyaneke aram, li ser rêyên koçberiyê şerpeze û perîşan dibin. Bi hezaran ji wan li ser rêyên koçberiyê, li şûna jiyaneke rastî mirinê tîn. Ji xwe karwanên koçberên ku di Derya Sipî û Derya Ege, sînorê Polonya- Belarûsê û li ser rêyên Ewrûpayê jiyana xwe ji dest didin, vê rastiyeke radixe ber çavan.

Li hemberî vê trajediyê erka herî bingehîn ya sazî û dezgehên mirovî ew e ku karibin pêşî li pêla koçberiyê bigrin û pêdiviyên wan kesên muhtac bicih bînin. Heta niha saziyên ku di bin navê alîkariyên mirovahî de heta kîjan radeyê ev erka xwe bicih anîne, ev yek mijara lêpîrsînê ye.

Bi armanca alîkarikirina mexdurên şer, sala 1993'an Saziya Alîkariyê Heyva Sor a Kurdistanê weke projeyeke pêwîst hat avakirin. Tevahiya salên derbasbûyî, Heyva Sor a Kurdistanê bi kar û xebatên xwe karîbû bibe hêviya kesên mexdûr û muhtaç.

Ji roja hatîye damezirandin her tim hewl da li gorî prensîbên alîkariyê yên gerdûnî tevbigere û li ser hîmê vê rastiyê mohra xwe li gelek xebatên pîroz daye. Di çarçoveya xebatan de, saziya me heya niha gelek navendên tendirûstiyê û nexweşxane ava kirine. Ji bo deverên ku mirov li wir mexdûr bûne, alîkariya lezgîn a derman û pêwîstiyên jiyani peyda kirine.

Li gorî vê, Heyva Sor a Kurdistanê;

Bêyî cûdahiyê bixe nava netew û fikrê civatan, li ser hîmê prensîba hezkirina mirovahiyê destê alîkariyê dirêji kesên muhtac kirye û di çarçoveya van xebatên xwe de, her tim xwestîye di navbera mirovan de dostanî û xweşbîniyên pêş bixe. Saziya alîkariyê ya dildariyê û bê alî ye.

Di xebatên xwe yên xizmetê de ti carî girîngiyê nade berjewendiyên xwe. Di heman demê de ji bo bibe cihê bawerîya mirovan, nabe alîgirê hêzên dijberên hev û nabe beşek ji navkokiyan siyasî, nijadî, olî û bîrdozî.



SÎNORÊ POLONYA - BELARÛS

Li ser vê bingehe, sala 2021'an de kar û xebatên alîkariya mirovahî yê ku li jêr hatine nivîsandin, li gel van saziyên hevbeş birêve birine:

- 1- Heyva Sor a Kurdistanê - Almanya
- 2- Heyva Sor a Kurdistanê - Holenda
- 3- Heyva Sor a Kurdistanê - Swîsre
- 4- Heyva Sor a Kurdistanê - Belçîka
- 5- Heyva Sor a Kurdistanê - Inglîstan
- 6- Heyva Sor a Kurdistanê - Îtalya
- 7- Heyva Sor a Kurdistanê - Norwêç
- 8- Heyva Sor a Kurdistanê - Japan
- 9- Roja Sor - Fransa
- 10-Roja Sor a Kurdistanê - Awûstîrya
- 11-Roja Sor a Kurdistanê - Swêd
- 12-Heyva Sor a Kurd - Rojava

PROJYÊN ME

I- PROJEYA ALÎKARIYA LEZGÎN

Ev proje ji bo kesên ji ber şer, bûyerên xwezayî û rewşên awarte mexdûr dibin, tê birêve birin. Di çarçoveya vê projeyê de pêdiviyên jiyaniê wek xwarîn, derman, kinc û hwd. ên kesên mexdûr tê bicîhanin. Her wiha ji koçberan kamp û stargeh tîn avakirin.

1- Ji bo penaberên li ser sînorê Polonya û Belarûsê malzemeyên wek xwarin, cil û berg, powerbank, pêlav, qapût û betanî bi **20 hezar Euroyî** hatin kirin û bi hevkarîya saziya alîkariyê Wir Packer's an e.V. ji van penaberan hatin şandin.

2- Ji malbatên ku ji ber lehiya ku di 31'ê Tîrmehê de li gundê Xaşkan ê navçeya Elbakê ya Wanê pêk hat de malên wan hilweşiyar û zirar dîtî re **20 hezar Euro** alîkarî hat şandin.



3- Ji bo Wargeha Mexmûrê **20 hezar Euro** ji bo pêdiviyên jiyane yê kesên mexdûr hate şandin.

4- Ji bo malbatên ku di lehiya mezin a li Elmanyayê de mexdûr bûne, ji şaredariya Euskirchenê re **5 hezar Euro** alîkari hate kirin.

5- Bi aliyê Roja Sor a li Swêdê ji Rojava re **20 hezar dolarên Amerîkan** hate şandin û vê alîkariyê ve li kampên ku koçber lê diman, pakêtên xwarinê hatin kirin û belavkirin.

6- Ji bo penaberên Kampa Lavrion a li paytexta Yewnanîstanê Atinayê, bi bihayê **9 hezar Euro** yî xwarin, pêdiviyên jiyane hate stendin,



ROJAVA



ROJAVA



II- PROJEYA MALBATÊN XWIŞK Û BIRA

Armanca vê projeyê bicihanina pêwîstiyên malbatên mexdûr û desteka psîkolojîk e. Di vê projeyê de di navbera malbatên mexdûr û malbatên alîkar de, pêwendiya xwişk û biratiyê hat pêşxistin û alîkarî hat kirin.

Di çarçoveya projeya malbatên xwişkûbîra de di sala 2021'an de 36 malbatên mexdûr ji vê projeyê de alîkarî girtin.

III- PROJEYA FITRE, ZEKAT Û QURBANÊ

1- Di çarçoveya projeya berhevkirina Fitre û Zekatê ya meha Remezanê de; ji bo malbatên mexdûr ên li Bakurê Kurdîstanê **30 hezar Euro** alîkari hate şandin.

2- Bi wesîleya Cejna Qurbanê, bi bihayê **50 hezar Euro** qurban li Bakurê Kurdîstanê ji malbatên mexdûr hate belavkirin.

IV- PROJEYA ZAROKAN

Li her devera cîhanê ji ber şer, herî zêde zarar li zarokan tê kirin. Bi armaca dermankirina birînên zarokên ku bûne mexdûrên şer û bê xwedî mane, Heyva Sor a Kurdîstanê ji roja hatiye avakirin, destê alîkariyê dirêj dike. Li gorî pêwîstiyên vê projeyê, heta zarok mezin bibin û

bibin xwedî hêza xwe debarekirinê, alîkariya bi wan re dewam dike. Her wiha ji bo perwerdeya zarokên malbatên xîzan jî alîkari tê kirin. Li Kurdistanê ji ber şer û êrîşan, bi deh hezaran zarok sêwî, bêxwedî man e.

Di çarçoveya projeya zarokan de, sala 2021'an:

1- Ji bo 593 zarokên li Kurdistanê mehane alîkarî tê şandin. Di sala 2021'de bigîştî **620 hezar 400 Euro, 93 hezar 600 Frankên Swîsrê, 2 hezar Pound û 93 hezar Kronên Norwecê** alîkarî hatê şandin.



2- Ji Swîsreyê, ji Weqfa Zarokan a li Bakurê Kurdistanê re di çarçoveya pişgirîya perwerdê de ji bo 130 zarokan di sala 2021'an de **18 hezar 010 Frankên Swîsrê** hate şandin.

V- PROJEYA TENDIRÛSTIYÊ

Armanca vê projeyê; ji kesên ku xizmeta tendirûstiyêde bê par mane re kirina alîkariya tendirûstiyê ye. Di çarçoveya vê proje de, sazîya me li herêmên şer an jî herêmên xîzan de nexweşxaneyan ava dikin. Her wiha dermanan, ambulansan, cîhazên medîkal peyda dikin û mesrefên tedawî yên kesên hêjar didê.

1- Sala 2021'an di encama serlêdanên mexdûrên şer de, ji bo dermankirin û peydakirina pêwîstiyên tendirûstiyê, sazîya me bi bihayê **42 hezar**

270 Euro alîkarî şandiye. Bi van pereyan, mirov hatin dermankirin, mes-refên nexweşxaneyan hatin peydakirin û ji bo kesên kêmandam re, protez hatin kirîn.

2- Ji Şengalê re ji bo xizmeta tendirûstiyê **80 hezar Euro** hate şandin û bi vê alîkarîyê ve ambulansê û 2 Morg hate stendin.



3- Ji bo projeya bi armanca xurtkirina xizmetên pêşilêgirtina penceşêrê û hêsankirina gihandina lênerîna pizîşkî ji bo teşhîskirin û dermankirina nexweşiyên pêsîrê li Rojava, bi hevkarîya Heyva Sor a Kurdistanê-Îtalya û Dêra Waldensiyana **85 hezar û 800 Euro** ji Heyva Sor a Kurd a Rojava re hat şandin. Bi vê alîkarîyê ve Amûrek mamografiyê hat stendin.

4- Ji aliyê Heyva Sor a Kurdistanê Îtalyayê ji bo avakirina navendên tenduristiyê yên li Rojava ji Heyva Sor a Kurd re bi giştî **291 hezar Euro** hate şandin.

5- Ji 5 zarokên bi nexweşiyên kronîk ên li Wargeha Mexmûrê re **10 hezar Euro** ji bo peydakirina alavên tenduristiyê û dermanan hat şandin.

6- Ji bo avakirina navenda protez, fizyoterapî û rehebîlîtasyonê a li Rojava bajarê Qamişloyê **141 hezar Euro** hate şandin.

7- Ji aliyê Heyva sor a Kurdistanê – Swîsre Ji bo avakirina navenda protez, fizyoterapî û rehebîlîtasyonê a li Rojava bajarê Qamişloyê **33 hezar Frank** hate şandin.

8- Ji Îtalyayê ji bo şandina miqdareke girîng dermanên Vîtamîn D û Amoxicillin ku ji UPP hatibûn bexşkirin, **5 hezar Euro** mesrefa veguhestinê ji saziya Staffetta Sanitaria re hat dayîn û derman ji Rojava re hatin şandin.



9- Li Elmanyayê ji gelek kesayet, sazî û komeleyên Amûrên tibî, sendeliyên astengdaran, derman, maske û hwd materyalên ku hatine wergirtin bi hevkarîya komêk bijîşk û pisporên tenduristiyê ji Rojava re hatin şandin. Ji bo şandinê **7 hezar Euro** hat xerckirin.

VI- PROJEYA PIŞTGIRIYA DAYIKÊN AŞTIYÊ

Li Tirkîyê û Bakurê Kurdistanê ji bo şer bi dawî bibe, Înîsiyatîfa Dayikên Aştiyê bi salan e dixebite. Ji bo piştgiriya xebatên wan, Heyva Sor a Kurdistanê sala 2021'an **7980 Euro** alîkariya madî da Înîsiyatîfa Dayikên Aştiyê.

VII- PROJEYA PIŞTGIRIYA BI GIRTİYÊN NEXWEŞ RE

Armanca vê projeyê ew e ku; ji bo girtiyên nexweş li zindanên Tirkîyê di nava şertên giran de dimînin û derfetên wan ên tedawiyê nînin, alîkariya madî were şandin.

Di çarçoveya vê projeyê de, Heyva Sor a Kurdistanê, di sala 2021'an de **7200 Euro** alîkarî ji bo girtiyên nexweş şand.

KAMPANYA ENDAMTIYA HEYVA SOR A KURDISTANÊ

Saziyên alîkariyê bi zêdebûna hijmara endaman xwe ve dikare destê alîkariyê dirêjî hîn bêhtir kesên mexdûr bike. Saziyên alîkariyê bi hijmara endaman xwe ve wê bizanibin ku mehane çî qas dahatên wan çê dibin û li gorî vê jî wê bikaribin plansaziya projeyên alîkariyê yên demdirêj çê bikin. Her wiha zêdebûna hijmara endaman ji saziya alîkariyê re rêya têkiliyan bi saziyên navnetewî û dezgehên fermî re jî vedike û di çêkirina projeyên hevpar de bandoreke erênî dike.

Saziya alîkariyê Heyva Sor a Kurdistanê ya ku bi armanca peyda kirina pêwîstiyên jiyaniyê yên kesên mexdûr hate avakirin, 29 salin bê navber xebatên xwe ên alîkariya mirovahî dewam dike û tevahiya van salên derbasbûyî, Heyva Sor a Kurdistanê bi kar û xebatên xwe karîbû bibe hêviya kesên mexdûr û muhtac.

Ji bo vê hêviya Heyva Sor a Kurdistanê ev ku ji her malekê de herî kêm kesek bibe endamê saziyê û li gorî dilê xwe rêkûpêk mehanîya xwe bide. Kesên dixwazên bibin endam, dikarin forma endamtiyê dagrin û bigihînin Heyva Sor a Kurdistanê. Forma endamtiyê li cem xebatkarê saziya me û her wiha li ser navnîşana

înternetê www.heyvasor.com/ku/endamti heye.



ROJAVA



ROJAVA



Prosthetics and Rehabilitation Centre - Qamishlo



HEYVA SOR A KURDISTANÊ



**I DEFEND
HUMANITY!**

TOGETHER WE SAVE LIVES

Heyva Sor a Kurdistanê e. V.

Kreissparkasse Köln

IBAN: DE49 3705 0299 0004 0104 81

BIC/SWIFT: COKSDE33XXX

www.heyvasor.com